

**ՀՈՒՆԱՍՏԱՆԻ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅԱՆ
ՊԱՏՎՈՐԱԿՈՒԹՅԱՆ ԱՅՅԸ ՄԱՅՐ ԱԹՈՌ Ս. ԷԶՄԻԱՇՈՒՆ**

Հուլիսի 15-ին Մայր Աթոռ Ս. Էջմիածին այցելեց Հունաստանի պաշտպանության նախարարության պատվիրակությունը՝ նախարար Ակիս Յախանդուլուսի գլխավորությամբ: Պատվիրակությանն ուղեկցում էին Հայաստանի Հանրապետությունում Հունաստանի արտակարգ և լիազոր դեսպան Յակովոս Սպեցիոսը, Հայաստանի Հանրապետության պաշտպանության նախարար Վազգեն Սարգսյանը, երկու երկրների նախարարությունների աշխատակիցներ: Վեհարանում հյուրերին ընդունեց Նորին Սրբությունն Գարեգին Ա Ամենայն Հայոց Կաթողիկոսը:

Տեղի ունեցած զրույցի ընթացքում Հունաստանի պաշտպանության նախարարը Վեհափառ Հայրապետին ներկայացրեց Հայաստան կատարած իրենց այցելության նպատակները: Նա հայտնեց, որ երկու երկրների պաշտպանության նախարարությունների միջև կնքված համաձայնագիրն այսուհետև է՛լ ավելի կնպաստի մեր երկրների և ժողովուրդների միջև դարավոր բարեկամության ամրապնդմանը:

Նորին Սրբությունն, իր գոհունակությունը հայտնելով ձեռք բերված համաձայնության և փոխըմբռնման առթիվ, ընդգծեց, որ հայ և հույն ժողովուրդները դարեդար միմյանց նկատմամբ եղբայրական շնորհ գգացումներ են տածել, պատմության տարբեր ժամանակահատվածներում կյանք նույն դառը նակատագիրը, բայց և այնպես տոկացել են ու վերածնվել՝ շնորհիվ իրենց համընդհանուր բխստոնեական հավատի: Մենք երբեք չենք մոռանում, որ Հունաստանն առաջին երկրներից մեկն էր, որտեղ ապաստան գտան հեղեոնից մազապուրծ հայ ժողովուրդի մասնիկները: Նորին Սրբությունը մեծ ուրախությամբ նշեց, որ իբրև կենդանի վկայություն Հայ և Հույն Նկեդեղիների, պետությունների ու ժողովուրդների անխախտ բարեկամության և եղբայրության, շուտով առաջին անգամ Մայր Աթոռ Ս. Էջմիածին և Հայաստան է ժամանելու Հույն Ուղղափառ Նկեդեցու Պետ, Կ.Պոլսի Տիեզերական Պատրիարք Բարթողիմեոս Ա-ն:

Հանդիպման ավարտին Վեհափառ Հայրապետը և նախարարը փոխանակեցին նվերներ, ապա հարգարժան հյուրերը մեկնումից առաջ շրջեցին Վեհարանի բանգարանում և ծանոթացան արվեստի ցուցադրվող գործերին:

**«ՄԱԳԱՏԷ»-Ի ՏՆՕՐԵՆՆ ԱՅՅԵԼԵՑ
ՄԱՅՐ ԱԹՈՌ Ս. ԷԶՄԻԱՇՈՒՆ**

Հուլիսի 17-ին Մայր Աթոռ Ս. Էջմիածին այցելեց «ՄԱԳԱՏԷ»-ի՝ Ատոմային էներգետիկայի միջազգային գործակալության գլխավոր տնօրեն պարոն Հանս Բլիխը՝ Հայաստանի Հանրապետության էներգետիկայի նախարարության ատոմային էներգիայի վարչության պետ պարոն Գևորգյանի ուղեկցությամբ: Վեհարանում հյուրերին ընդունեց Նորին Սրբությունն Գարեգին Ա Ամենայն Հայոց Կաթողիկոսը:

Հանդիպման ընթացքում պարոն Բլիխը Վեհափառ Հայրապետին ներկայացրեց «ՄԱԳԱՏԷ» կազմակերպությունը, որը հանդիսանում է Միացյալ Ազգերի կազմակերպության անդամ: Կազմակերպության հսկիչ-աշխատակիցները, շրջելով ամբողջ աշխարհում, վերահսկում են ատոմային էներգիայի գործադրությունը և ռեսուրսները: Այդպիսով նրանք պայքար են մղում ատոմային զենքի դեմ և բոլոր

ջանքները ներդնում՝ ատոմային ուժը միայն խաղաղ նպատակներով կիրառելու և էներգիա ստանալու համար: Հայաստան կատարած իրենց այցելության նպատակն է պարզել, թե ինչպես կարող է կազմակերպությունն օգտակար լինել Մեծամորի ատոմակայանի անվտանգ գործունեությունը լիարժեք կերպով ապահովելուն:

Վեհափառ Հայրապետն իր երախտագիտությունն ու զնահատանն արտահայտելով «ՄԱԳԱՏԷ»-ին պատերազմների կասեցման դեմ ուղղված նրա խաղաղարար գործունեության և հատկապես Հայաստանի համդեպ ցուցաբերած մտահոգության և օգնության պատրաստակամության համար, նշեց, որ Եկեղեցին նույնպես պետք է անմասն չմնա այդ աշխատանքում և գործադյուր թուրք հնարավորությունները հանուն խաղաղության պահպանման և ամրապնդման:

«ԵՐԿԻՐ ԵՎ ՄՇԱԿՈՒՅԹ» ԸՆԿԵՐՈՒԹՅԱՆ ՆԵՐԿԱՅԱՑՈՒՅԻՉՆԵՐԸ ՄԱՅՐ ԱԹՈՌԻՄ

Հուլիսի 30-ին Մայր Աթոռ Ս. Էջմիածին այցելեցին «Երկիր և մշակույթ» համահայկական կազմակերպության անդամները՝ ղեկավարներ Պիեռ և Անիտա Հակոբյանների և Հասմիկ Գազազյանի գլխավորությամբ: Միացյալ Նահանգներին և Եվրոպային ժամանած երիտասարդության ներկայացուցիչներին Վեհափառ ընդունելությունների սրահում ընդունեց Նորին Սրբություն Գաբրիել Ա Ամենայն Հայոց կաթողիկոսը:

Տեղի ունեցած մտերմիկ զրույցի ընթացքում Վեհափառ Հայրապետն արտահայտեց իր ուրախությունը երիտասարդների այցելության առթիվ և բարձր գնահատեց նրանց կատարած կամավորական աշխատանքները՝ ուղղված Արցախի երկու գյուղերի, ինչպես նաև Տաթևի վանքի վերակառուցմանը: Նորին Սրբությունը նշեց, որ մեր Եկեղեցին, թոթովելով 70 տարիների կոմունիստական բռնակալության լուծը, այժմ հարություն է առել և նոր կյանքով է ապրում: Վեհափառ Հայրապետը շեշտեց այն միտքը, որ ողջ հայության համար հայրենիքը միակն է, և մենք թուրք պիտի մեր մասնակցությունն ունենանք նրա վերակառուցման, վերաշինության, բարգավաճման գործընթացին: Բավական չէ միայն հպարտանալ մեր ժառանգած հոգևոր, մշակութային, գիտական հարստությանը, անհրաժեշտ է նաև շարունակել մեր հայրերի գործը, ավանդույթը, զարգացնել և ծաղկեցնել մեր երկիրը: Հատկապես երիտասարդ սերունդը դեռևս շատ անելիքներ ունի, և երիտասարդությանը պետք է ակտիվորեն ներգրավել մեր հայրենիքի և Հայ Եկեղեցու կյանքում: Այդ նկատառումներից ելնելով էլ լուրջ աշխատանքներ են տարվում երիտասարդ սերնդի հրիստոնեական դաստիարակության ուղղությամբ: Դպրոցներում սովորողների ցանկությամբ կազմակերպվում են կրոնի դասընթացներ, կիրակնօրյա դպրոցներ, ինչպես նաև հատուկ դասընթացներ՝ կրոնի ապագա ուսուցիչների համար, հրատարակվում են կրոնական բնույթի քաջատրական և ուսուցողական բազմաթիվ գրքույկներ:

Խումբը շրջեց նաև Մայր Աթոռի թանգարաններում և հիացավ հայ եկեղեցական արվեստի գործերով:

ՄԱՄԼՈ ԴԻՎԱՆ ՄԱՅՐ ԱԹՈՌԻ